

Գետոյս հիւսիսային մասը բացի մարզադեպիտիններէ ունի նաև վարելահողեր, որք քիչ ինչ հակեալ զառի վեր են մինչև Գահար գիւղն, որ զետէն 2 ժամ գէպի հիւսիս է, աստի ևս Գուամ լեռներն կը շարունակուին մինչև Գաբեղենից<sup>1</sup> սահմանը:

Այս ընդարձակ հովասուն և ջրալից վայրի մէջ մեծ վայելչութիւն կը վարեն քանի աննշան քրդեր, մանաւանդ Իշէկի, Գահար և Քիւրտ-Ալի, որք թագաւորական խճուղոյն վերայ հաստատուած են և գրեթէ ամբողջ Խալեազի տէր զարձած են: Նոքա հազարաւոր մարզադեպիտներու խոտն կը վաճառեն պարսիկ կարաւանատերանց, ունին պանդոկներ, մեծ դեր կը խաղան ձմրան բքուն, կարաւանը օրերով կարգելուի, երբեմն շաբաթներով այս բքալից լեռներուն մէջ, արի, տէս, կարաւանատէրն ինչ կը քաշէ, կրակի գնով խոտ, դարի ու հաց պիտի գնէ, զիւղացիք միջոց գտած են կամաւոր կողոպուտի, իրենց ուղածն կառնեն, շատ անգամ ևս անհամաձայնութիւնք, սպանութիւնք տեղի կունենան, միշտ թի. Գալէի դատարանին կրիմեն:

Շեռեան ջրի հարաւային եզրի վերայի գիւղօրայք:

1. Չաթ<sup>2</sup> որ կը գտնուի Խալեազի արեւմտեան հարաւն ջրից 1 1/2 ժամ հեռուն, Խնուսայ սահմանազրուիւր, կէլինի մօտ, ունի 8 տուն քուրդ բնակիչ

1. Ըստ այլ եւ այլ ծանօթութեանց Գաբեղենը լինելու է Սուկաւէտից յարեւմուտս Տելիքաքս երկարացած լեռներու շղթային հիւսիս, որ մեծ եռանկիւն մի կը կազմէ Երասխայ աջ ափին վերայ. մեծ մասամբ լեռնային եւ խոտուէտ, թերեւս այսօր Գափո քրէական գիւղն, որ կայ Սուկաւէտի ստորոտն Գաբեղենն անուան աղաւաղում լինի:

2. Չաթ անուն գիւղեր 5—6 հատ կան Բագրեւանդայ մէջ, որ կրճի կամ խոր ձորակի մէջ շեղուած մի անկիւն շինուած է եւ յանկարծ կը տեսնուի երբ զիւղին մօտեցած ես: